

德鏡摺紳譽形朝野加以門稱筆海
世号儒宗不忘宿昔之懷曲賜憂憐
之訪寒灰更煖朽木翻榮昔王祭閔
書取資蔡氏相如達賦必賴揚侯意
者但是諸子雜書及晉宋已采内外
文集與釋典有相關涉處悉願披覽
謹以別錄仰呈特希恩許輕陳所請
悚息何言

邪見信心古來共有善人惡黨今日
寧无前以傳子調言略呈小論既蒙
上達復荷褒揚哉在中心但知慙德
昔三都賦未值張華無人見賞破邪不
逢君子誰肯為珍比者海内諸州四
方道俗派通抄寫讚詠成音迴邪見
之心發愚人之善者豈非明公之力
也必能利物薄有冥切仰用莊嚴並
將迴向耳請公為弘護極越

辯正論卷第八

丙午歲高麗國大藏都監奉
勅雕造

辯正論卷第八 第三十六張 既

○破邪論

破邪論卷上

大唐濟法寺沙門擇

法琳

撰

襄陽法琳法師集序 虞秘書製

若夫神妙無方非籌策能測至理凝
邈豈繩準所知寔乃常道無言有崖
斯絕安可憑諸天縱窺其窟宜者乎
至於五門六度之源半字一乘之教
九流百氏之目三洞四檢之文苟可
以經緯聞其圖可以心力到其境者
英猷茂實代有人焉法琳法師者俗
姓陳潁川人晉司空群之後也自梁
及陳世傳纓冕爰祖及伯累葉儒宗
法師少學三論名聞朝野長該衆典
聲振殊俗威儀肅穆介節淹通留連
清翰發摛微隱比地方春藏用顯仁
之量如愚若訥外間内明之巧固能
智周測海道亞弥天豈止標類山濤
神仲庾亮而已余其文情乃典而不
野麗而有則猶八音之並奏等五色
以相宣道行則納正見於三空拯群
迷於八苦既學博而心下亦守卑而
調高實釋種之梁棟蓋人倫之羽儀

者矣加以縣乏扶危先人後已重風
光之拂照林牖愛山水之負帶煙霞
願力是融晦迹肥脰以隋開皇之末
隱於青溪山之鬼谷洞焉迴排巖崖
則蔽虧日月空飛戶牖則吐納風雲
其間採五芝而偃仰遊八神而寢息
餌松木於溪澗披薜荔於山阿皆合
掌歸依摩頂問道經行恬靜十有餘
年然其疊嶂危岑長松巨壑野老之
所棲盤古賢之所遊踐莫不身至目
觀攀穴指歸仍撰青溪山記一卷見
行於世太史令傳亦學業庸淺識慮
非長乃穿鑿短篇憑陵正覺將恐震
茲布鼓竊比雷門中庸之人頗成阻
惑法師懲彼昆虫又撰破邪論一卷
雖知震衛同奏表異者九成輿驥並
馳見奇者千里終須朱紫各色清濁
分流訂以凡測聖之疊責以俗按真
之各引文證理非道則偏曲致深情
指周密莫不轍乱旗靡瓦解冰銷
入室有操矛之圖厥角無容頭之地
於是傳寫不窮流布長世若披雲而
見日同迷蹤而得道法師著述之性

破邪論卷上

第三張 既

速而且理凡厥勒成多所遺逸今散
採所得詩賦碑誌讚頌箴誠記傳啓
論及三教系譜釋老宗源等合成三
十卷法師與余情敦淡水義等金蘭
雖服制異宜風期是萬報以騰縷聯
彼瑋璋編為次第其詞云介

上殿下破邪論啓

法琳啓緬尋三元五運之聲天皇人
帝之興龜圖鳥篆之文金版丹竒之
典六衡九光之度百家萬卷之書莫
不導人倫信義之風述勛華周孔之
教統其要也未遠生死之源陳其理
也不出有無之域豈若五分法身三
種智湛然常樂何變何遷邈矣真如
非生非滅而能道資方有慈被百靈
啓解脫彼岸之津開究竟無為之府
拔群生於見海之外救諸子於火宅
之中但化隔慈河千有餘載教流漢
土六百許年龕塔相望神人接踵所
以道安登秦帝之輦僧會上吳主之
車高座法師能陳八正淳品和上巧
說五乘化洽九州福霑三世其為利
物此之謂歟有隋統運戎馬生郊突

破邪論卷上

第三張

起凶兇毒流百姓慈燈既隱法雨將
取賴我大唐上應軋心下協黎願補
天以麗三象細地以安五嶽生民蒙
無造之恩釋門荷中興之賜方欣六
茲五帝四彼三皇反浮朴之風行元
為之化竊見傳亦所上誹毀之事在
司既不施行亦乃公然遠近流布人
間酒席竟為戲談有累清風寔微華
俗長物邪見復國福田理不可也伏惟

殿下往藉三歸久資十善赴蒼生之
望膺大寶之期道叶隆平德光嗣后
發洩雷之響則整戶俱開啓明離之
暉則幽衢並鏡赫矣允矣難得名矣
固以漢光重世周卜永年復能降意
福門迴情勝境津梁在念牆漸為心
伏願折邪見幢然正法炬傳化攸寄
深幸慈乎不住憤懣起焉之志謹上
破邪論二卷塵塵威嚴伏增悚息謹啓
武德五年正月二十七日齊法寺沙
門釋法琳啓大史令朝散大夫目傳
亦上減省寺塔廢僧尼事十有一條
且并言臣聞義農軒頌治合李老之
風

破邪論卷上

第四張

路不拾遺孝子承家忠目滿國然國
君有難則殉命以報讎

非曾參閔子之友庠序成林墨翟
赤之倚相未羽翮

破邪論卷上

第五張

東呂光假征胡而叛君峙立西土時人
居河右藉在法州亦不由僧叛君而土降斯
已後叛胡滋咸太半雜華歲日慈悲
惡世在於斯指紳門裏翻受充丁邪戒
儒士學中倒說叛胡浪語歲日慈悲
口之談曲類哇歌聽之喪本臭同鮑肆
過者失香彈日發法生聲
自受其辱知喪本通者寧不失者仰面
新舊信失兼復廣置伽藍壯麗非一
種脫若之勞役工匠獨坐泥胡
撞華夏之鴻鐘集蕃僧之偽衆歲日慈悲
為百鍊之神鐘動淳民之耳目
之貨賄歲日慈悲
姪祀之幡巧匠金銀散雕舍利之塔
精巧正金銀起碑身之塔穀梁麵米橫設
僧尼之會香油蠟燭枉照胡神之堂
歲日慈悲米中陳福口之
國貯朝廷貴臣曾不一悟良可痛哉日
開闢更新實位通万物之屯否無育
黔黎布李老無為之風而人民自化執
孔丘愛敬之礼而天下孝慈且佛之
經教妄說罪福歲日慈悲
民逃俊剽駭隱中不事二親專行十

破邪論卷上

第六張 既

惡歲日慈悲
偽踰甚目閱覽書契爰自庖犧至於漢
高二十九代四百餘君但聞郊祀上
帝彈日發法生聲
民察未見寺堂銅像建社寧邦請胡
佛邪教退還天竺歲日慈悲
是沙門放歸冉梓令逃課之黨昔樂
輪租避役之曹恒忻効力勿度禿小
長捐國家彈日發法生聲
是出世福四鄰氏為物以高士自足忠目宿
衛宗廟則大唐廓定作造化之主百
姓无事為犧皇之民彈日慈悲
有信聞矣不實
國家終須伏何
民事十有一條如左謹言彈日慈悲
武德四年六月二十日朝散大夫行
太史令日傳奕上奏
上秦王啓沙門法琳等啓琳聞情切
者其聲必哀理正者其言必直是
以窮子念遠其言勞人願歌其事何
者竊見大業末年天下喪亂二儀礪
黷四海沸騰波振塵飛丘焚原燎五
馬絕浮江之路七童有平壘之歌烽
燧時警羽檄驚馳閑塞多虞刁斗不

破邪論卷上

第六張 既

息道消德亂運盡數窮轉輪寔繁頭
會其綴積屍如莽流血為川人不聊
生物亦勞止控告無所投骸莫從百
姓苦其倒懸萬國困其無主豈備法
輪絕響正教陵夷聖上興予俗之心
順昊天之神爰舉義旗平一區宇當
時道俗蒙賴華戎骨悅於是叶天地
而通八風測陰陽而調四序和邦國
叙人倫功蓋補天神伴立極降雲雨而
生育開日月而照臨發之以聲明紀
之以文物思霑行葦施洽車魚方欲
重述九疇再敷五教興石渠之學布
庠序之風遠紹軒轅近同文景功業
永隆不知手之舞之足之蹈之者矣
竊見傳弄所上之事披覽未過五內
分崩尋讀始周六情破裂嗚呼邪言
惑正魔辯逼真猶不足聞諸下愚況
欲上千天聽但弄職居時要物望所
知何容不近人情無辜起惡然其文
言浸漏事理不祥辱先王之典謨傷
人倫之風軌何者夫人不言言必有
中夫子曰一言合理則天下歸之一
事乖常則妻子背叛觀弄所上之

破邪論卷上

第六張 既

事括其大都窮其始末乃同冒闕度
 處多毀辱聖人甚切如弁此意本欲
 因茲自媒苟求進達實未能益國利
 人竟是感嘆朝野然陛下應天順時
 握岳受錄赴萬國之心當一人之慶
 扶危救世之力夷兇靜亂之功固以
 咸蓋前王聲高往帝爰復存心三寶
 留意福田預是出家之人莫不咸戴
 天澤但由僧等不能遵奉戒行酬報
 國恩無識之徒非違造罪致令傳弄
 陳此惡言躋躋痛心投骸無地然僧
 且有罪甘受極刑恨亦輕辱聖人言
 詞切害深恐邪見之者因此行非案
 春秋云魯莊公七年夏四月恒星不
 現夜明如日即佛生時之瑞應也然
 佛有真應二身權實兩智三明八解
 五眼六神通日不可思議法号心行
 處滅其道也運衆聖於涓涓其力也
 接下凡於苦海自後漢明帝永平三
 年夢見金人已來像教東流靈瑞非
 一具在漢魏諸史姚石等書至如道安
 道立之輩岳澄羅什之流並有高行深
 解當世名僧盡被君王識知貴勝崇

破邪論卷上

第九張 既

重自五百餘年已來寺塔遍於九州
 僧且溢於三輔並由時君敬信朝野歸
 心像教興行於今不絕者寔荷人王
 之力也世間君臣父子猶謂恩澤難
 酬昊天不報況佛是衆生出世慈父
 又為凡聖良醫欲抑而挫之罪而辱
 之理不可也尋如來智出有無豈三皇
 能測力苞造化非二儀可方列子云昔
 商太宰誥問孔丘曰夫子聖人歟孔子
 對曰丘博識強記非聖人也又問三王
 聖人歟對曰三王善用智勇力聖非丘所
 知又問五帝聖人歟對曰五帝善用
 仁信聖亦非丘所知又問三皇聖人
 歟對曰三皇善用時正聖亦非丘所知
 太宰大駭曰然則孰為聖人乎夫子動
 容有閒曰西方之人有聖者焉不治
 而不亂不言而自信不化而自行蕩
 蕩乎民無能名焉若三皇五帝必是
 大聖孔丘豈容隱而不說便有僭聖
 之愆以此校量推佛為大聖也老子
 西昇經云吾師化遊天竺善入涓涓
 符子云老氏之師名釋迦文直就孔
 老經書師敬佛處文證不少豈亦一

破邪論卷上

第十張 既

人所能誇讚昔公孫龍著堅白論罪
 三皇非五帝至今讀之人猶切齒已
 為前監良可悲夫主上至聖欽明方
 欲放馬休牛軼閑封墓興皇王之風
 開釋老之化在簡之說尤可焚之若
 言帝王無佛則大治年長有佛則虐
 政忤短者索亮舜獨治不及子孫夏
 殷周秦王政數改蕭牆內起逆亂相
 尋今時無佛何因運短但琳預居堯
 世日用莫知在外見不為便事恐蕃國
 遠聞謂華夏無識夫子曰言滿天下
 無口過行滿天下无怨惡言之者欲
 使無罪聞之者足以自誠傳弄出言
 不遜聞者悉驚有穢國風特損華俗
 謹錄丹款冒以啓聞伏惟大王殿下
 挺英靈自然峻嶷風神類越器局含
 和好善為樂邇彼東平溫易是歡更
 方西楚加以阿衡百揆式序六條德
 既襄羅仁兼裂網開康莊之第坐荀
 卿之賓起脩竹之園醺文雅之客莫
 不詩極綠情而賦窮體物信可譽形
 朝野美貫前英者焉但琳等內顧關
 如方圓索用念傳弄下愚之甚媿几

破邪論卷上

第十一張 既

僧禿丁之可惡之極也罪莫大焉自
尊盧赫骨已來天地開闢之後未有
如弁之狂悖也不任斷骨痛心之主
謹錄非害事輒述鄙詞件若如左廢
黷威嚴伏增殞絕謹啓 武德五年
正月十二日濟法寺沙門釋法琳啓
弁去海內勤王者少樂私者多乃外
事胡佛內生邪見剪剃髮膚迴撲衣
服出目子之門入僧尼之戶立謂王
度坐看膝下不忠不孝聚結連房且
佛在西域言媛路遠捨親逐財畏壯
悞老重富強而輕貧弱愛少美而賤
耆年以幻惑而作執能以矯誑而為
宗旨然佛為一姓之家鬼也作鬼不
兼他族豈可催驅生漢供給死胡何期
大甚可謂賤此明珠貴彼魚目違離嚴
父而敬他人何有跪十箇泥胡而為卿
相置一盃殘飯得作帝王據佛邪說不
近人情且佛猾稽大言不及旃孟奢侈
造作罪深禁紂入家破家入國破國者
對曰夫出家者內辭親愛外捨官榮
志求無上菩提願出生死苦海所以
弃朝宗之服披福田之衣行道以報

破邪論卷二

第十三張

四思立德以資三有此其大意也若
言佛為胡鬼僧是禿丁者案孔老經
書漢魏已來內外史籍略引孔老師
敬佛虔文證如左以答邪人異其伏罪
道士法輪經言若見沙門思念无量
願早出身以習佛真又云若見佛面
思念無量當願一切普入法門
太上清淨消魔寶真安志智慧本願
大戒上品經四十九願云若見沙門
居當願一切明解法度得道如佛
老子昇玄經云天尊告道德使往東
方詣佛受法 道士張陵別傳云陵在
鵲鳴山中供養金像轉請佛經昇玄
經又云東方如來遣善勝大士詣太
上曰如來聞子為張陵說法故遣我
來看子語張陵曰卿隨我往詣佛所
當令子得見所未見聞所未聞陵即
礼大士隨往佛所 老子西昇經云
吾師化逝天竺善入泥洹 智慧觀
身大成經云道學當念遊大梵流影
宮礼佛 昇玄經云若有沙門欲來
聽經觀齋供主不得計飲食費過截
不聽當推置上座道士經師自在其下

破邪論卷上

第十三張

昇玄經又云道士設齋供若此丘來
者可推為上座好設供養道士經師
自在其下若沙門居來聽法者當隱
處安置推為上座供主如法供養不
得遮止化胡經云願採優曇花願燒
栴檀香供養千佛身稽首礼定光又
云佛生何以晚泥洹一何早不見釋
迦文心中常懷惱 善書言我生何
魔安志經云道以齋為先勤行當作佛
弟子注云 故設大法橋普度諸人物
老子大權菩薩經云老子是迦葉菩
薩化遊震旦 靈寶法輪經云葛仙
公生始數日有外國沙門見仙公兩
手抱持而語仙公父母曰此兒是西
方善思菩薩今來漢地教化衆生
當遊仙道白曰昇天仙公自語子弟
云吾師姓波閼宗字維那訶西域人也
仙人請問衆聖難經云葛仙公告弟子
曰吾昔與釋道德微生法開張太鄭思
遠等四人同時發願道微法開等二
人各願為沙門張太鄭思遠願為道士
仙公起居注云于時生在葛尚書家
尚書年逾八十始有此一子時有沙

破邪論卷上

第十四張

門自稱天竺僧於市大買香市人恠問僧曰我昨夜夢見善思菩薩下生葛尚書家吾將此香浴之到生時僧至燒香右連七匝沐浴而止

仙公請問上品經云與沙門道士言則

志於道上品大戒經技量功德品云施佛塔廟得千倍報布施沙門得百倍報昇玄內教經云或復有人平常之時不肯作福見沙門道士說法勸善了無從意智慧本願大戒上品經曰施散佛僧中食塔寺一錢已上皆二万四千倍報切多報多世世賢明翫好不絕七祖替得入无量佛國

仙公請問經下云復有人行是功德願為沙門道士大博至後生便為沙門

大學佛經為衆法師復有一人見沙門道士齋靜讀經乃笑之曰彼向空吟經欲何希耶虛腹日中一食此罪人耳道士乃慈心喻之故執意不釋死

入地獄考毒五苦仙公請問經云

高上老子曰上古之時人民純朴各懷道德虛心玄寂無為為事此風既散百梵烟起万流分排斯巧巧攻愚

破邪論卷上 第十五張 既

智相陵鬼神執威衆聖並出制作教化唯令民修善自守是以有五經偏俗之業道佛各嘆其教大歸善也太上靈寶洞玄真一勸誡法輪妙經云吾歷觀諸天從無數劫來見諸道士百姓子男女人已得無上正真之道高仙真人自然十方佛皆受前世勤苦求道不可稱計法輪妙經云道言夫輪轉不滅得還生人中大智慧明達者從無數劫學已成真人高仙自然十方佛者莫不從行業所致制身定志坐禪思微

右錄道經師敬佛文如前

周書異記云周昭王即位二十四年甲寅歲四月八日江河水忽然汎漲井水並皆溢出宮殿人舍山川大地咸悉震動其夜五色光氣入貫太微遍於西方盡作青紅色周昭王問太史蘇由曰是何祥也蘇由對曰有大聖人生在西方故現此瑞昭王曰於天下何如蘇由曰即時無他一千年外聲教被及此土昭王即遣人醵石記之埋在南郊天祠前當此之時佛初

破邪論卷上 第十六張 既

生王宮也穆王即位三十二年見西方數有光氣先聞蘇由所記知西方有聖人處世穆王不達其理恐非周道所宜即與相國呂侯西入會諸侯於塗山以攘光變當此之時佛久已處世穆王五十二年壬申歲二月十五日平旦暴風忽起發損人舍傷折樹木山川大地皆悉震動午後天陰雲黑西方有白虹十二道南北通過連夜不滅穆王問太史卮多曰是何微也卮多對曰西方有聖人滅度裏相現耳穆王大悅曰朕常懼於彼今將滅度朕何憂也當此之時佛入涅槃也史錄曰商太宰詔問於孔子曰孰為聖人乎孔子對曰西方之人有聖者焉不治而不乱不言而自信不化而自行蕩蕩乎民無能名焉

右錄孔書稱嘆佛文如前

正信對曰書云見善如不及見惡如探湯然太上貴德其次立言德欲使人歸言欲使人信汝無德底身出言損化輕侮大聖豈為人乎但孔老聖人尚自稱揚三寶令道士等敬讓僧

破邪論卷上 第十七張 既

丘汝既稟承孔老為師何以違背師教
誹毀聖尊 符子曰老氏之師名釋迦
迦文子書牟子三卷咸論佛法

內典天地經曰佛遣三聖化彼東土迦
葉菩薩彼耨耨老子 清淨法行經云

佛遣三弟子震旦教化僞童菩薩彼
耨耨孔丘光淨菩薩彼云顏回摩訶迦

葉彼耨耨老子 案前漢孝武帝元狩
中霍去病討匈奴至皋蘭過居延山

獲昆耶休屠王等將其眾五万來降
獲其金人率長丈餘列之於甘泉宮

武帝以為大神燒香禮拜及開西域
遣張騫使大夏還云有身毒國身毒

國一名天竺始聞浮屠之教魏書云漢
武得金人不祭祀但燒香禮拜而已

此則佛經流通之漸也 漢哀帝元
壽九年使景憲往大月氏國因誦浮

屠經還漢當時稍行浮屠齋戒
至章帝時楚王英好為浮屠齋戒奏

黃綽自統三十足以贖愆詔報楚王
尚浮屠之仁祀潔齋三月與神為誓

信也
桓帝時襄楷言佛隨黃老以漢主一

破邪論卷上

第八篇 既

欲令好生惡煞少嗜欲尚無為

後漢書孝明帝永平三年上夢金人
項佩日月光飛行殿前頭問羣目通

人傳殺對曰目聞西域有神其名曰
佛陛下所見得無是乎帝遣郎中蔡

愔中郎將秦景悌士王遵等使於天
竺而面其形像愔仍與沙門攝摩騰竺

法蘭東還洛陽中國有沙門自此始也
後漢郊祀志曰佛者漢言覺將以覺

悟群生也統其教以修善慈心為主
不煞生類專務清淨其精者為沙門

漢言息心削髮去家絕情洗欲而歸
於無為也又以死精神不滅隨後

受形所行善惡後生皆有報應所貴
行善修道以練其精神練而不已以

至無生而得為佛也身長丈六黃
金色項中佩日月光變化無常无所

不入故能化通万物而大濟群生也
有經書數千卷以虛無為宗苞羅精

蘊無所不統善為宏闊勝大之言所
求在一體之內所明在視聽之外歸

於玄微深遠難得而測故王公大人
觀生死報應之際莫不悚然自失也

破邪論卷上

第九篇 既

魏書云蔡愔得佛經四十二章及釋

迦立像明帝令畫工畫寫像形置於
清涼臺及顯節陵上經文綴於蘭臺

石室愔之還也以白馬負經而來漢因
立白馬寺於洛陽雍門西其經言大

担言生生之類皆因行業而起有過
去當今未來三世也其修道階次心

行等級非一皆緣淺以至深藉微以
為著率在於積仁順蠲奢欲習虛靜

而成通照也其始修心則依佛法僧受
三歸也三歸如君子之三畏又有五

戒斷然盜婬妄語飲酒大意與仁義
禮智信同云奉持之則生人天勝康

難鬼畜諸苦言善惡之虞凡有六道
在其防心正身口斷妄語惣謂之十

善道也能具此者近獲天報遠得菩
提四月八日夜從母右脅而生當周

莊在魯莊之世安相超異者三十二種
天降嘉瑞以應之亦三十二佛既去

世弟子等以香木焚身靈骨分碎大小
如粒其色紅白擊之不壞焚之不燬每

有光明神驗滅後百一十六年有阿育
王以神力分佛舍利使於諸鬼神造八

破邪論卷上

第十篇 既

萬四千寶塔今洛陽彭城扶風蜀郡姑臧臨淄等皆有塔焉並有神異也漢法本內傳云明帝遣郎中蔡愔中郎將秦景博士王遵等一十八人至天竺國與攝摩騰等將釋迦立像是優填王第四師所作還明帝問摩騰曰法王出世何以化不及此摩騰對曰迦毗羅衛國者是三千大千世界百億日月之中心三世諸佛皆從彼生不問天龍鬼神有願行力者皆生於彼受佛正化咸得悟道餘處衆生無緣感佛佛不往也佛雖不往光明及處或五百年或一千年一千年外皆有聖人傳佛聲教而教化之永平十四年正月一日五岳諸山道士朝正之次手相命云至尊棄我道法遠求胡教我等今因朝次各將太上天尊所制經書盡已之所能共上一表曰五岳十八山觀太上三洞弟子道士諸善信等六百九十人死罪上言目聞太上無形无名无極无上靈无自然大道元首自徙造化道德從生無上無為之尊自然之父上古同遵

百王不易今陛下道邁羲皇德過堯舜光宅四海八表歸仁臣等竊承陛下弃本逐末求教西域目觀西域所事者既是胡神所說者不奈華夏復請胡人令翻其語託同似漢目等思忖陛下雖翻得此語恐非大道如不依信願陛下恕目等罪聽與驗誠目等五岳諸山道士多有聰明智慧博通經典從元皇已來太上經行悉能曉了太虛符咒並皆明達或有吞符餌氣或有榮使鬼神或有入火不燒或有履水不溺或有白日昇天或有隱形於地至於方樂法術無有不能者願陛下許目等得與比校一則聖上意安二則得辯真偽三則大道有歸四則不乱華俗目等若比對不如任上重決若目等比對有勝乞除虛偽勅達尚書令宋庠引入長樂宮詔曰此月十五日大集白馬寺南門外道士等共置三壇壇別開二十四門南岳道士諸善信等七十人將靈寶古文太上玉次崆峒靈章赤玄步虛太上左仙人請問自然五篇諸

天內音等經合一百三卷華岳道士劉正念等七十人將智慧定志智慧上品戒仙人請問本行日錄明真科等六十二卷恒岳道士桓文度等七十人將本業上品法科罪福明真科齋儀太上洞玄真文合八十卷岱岳道士焦得心等七十人將諸天靈書度命九天生神章太上說極太虛自然滅度五練生尸度自然券儀合八十五卷嵩岳道士呂慧通等一百四十人將太上安志上品三九品誡太極左仙公神仙本起內傳服御五牙立成朝夕朝禮儀九十五卷霍山天目山五臺山白鹿山合十八山諸山觀道士祁文信等二百七十人將太極真人敷靈寶文太上洞玄靈寶天文及五符經步虛文神仙樂法尸解品上天符錄勅禁合八十四卷都合五百六十九卷置之西壇茅成子許成子列子黃子老子莊子惠子合二十七家諸子經書摠有二百三十五卷置之中壇饌食奠祀百神置之東壇明帝設七寶行殿在白馬寺南門外道西置

佛舍利及經像十五日齋說道士等即以柴薪和梅檀沉水香積遠西壇經教上啼泣啓告曰目等上啓太上無極大道元始天尊衆仙百靈今胡神乱夏人主信邪正教失蹤玄風墜緒百等謹依三五步剛之法敢以置經壇上以火取驗欲開曉未聞以辯真偽便放火燒經從火化悲成灰燼道士等見火焚經心大驚怖先時昇天者不復能昇先時隱形者不復能隱先時入火者不復能入先善禁咒者呼榮不應先有種種功能者无一可驗諸道士等大生慙愧余時太傳張衍語諸信曰卿今所試无驗即是虛妄宜就西域真法褚信不答南岳道士費琳才在衆自感而死時佛舍利光明五色直上空旋轉如蓋遍覆大衆映蔽日輪摩騰法師先得阿羅漢果以慈善力涌身高飛行卧空中神化自在還坐本處怡然而住于時天雨寶花在於佛殿及衆僧上又聞天中諸樂之音感動人情大衆歡悅嘆未曾有法蘭法師於大衆中即說偈言

張衍論卷上

第二十四卷

○破邪論

狐非師子類燈非日月明池无巨海納
位非嵩岳嶽法雲垂世界善種得開萌
顯通希有法震震化群生

於時大衆圍遶法師數百餘重法師復出梵音嘆佛功德亦令大衆稱揚三寶讚述法僧或說人天地獄因緣或說小乘阿毘曇或說大乘摩訶衍或說懺悔滅罪或說出家功德時司空陽城侯劉善岐官人民庶及婦女等發心出家四岳諸山道士呂惠通等六百二十人出家五品已上九十三人出家九品已上鎮遠將軍姜苟兒等一百七十五人出家京都治下民張子尚等二百七十人出家明帝後宮陰夫人王嬃妣等一百九十人出家京都婦女阿潘等一百二十一人出家十六日帝共大目文武數百人與出家者判駭日日設供夜夜燃燈作種種伎樂比至三十日法衣瓶鉢悉皆施訖即立十寺城外七寺城内三寺七寺安僧三寺安尼漢之佛法從此興焉

漢法本內傳凡有五卷

第一卷明帝傳

破邪論卷上

第二十五卷

第二卷明帝傳
第三卷明帝傳
第四卷明帝傳
第五卷明帝傳

崇玄通記云後漢桓帝建和三年巳丑之歲有沙門安清是安息國王太子捨國出家意存遊化至洛陽譯出衆經魏書云文帝黃初三年壬寅之歲有沙門曇摩迦羅至許都譯出戒律侍中傅毅漢法王異記云

周昭王二十七年丁巳歲佛生

吳書曰吳主孫權赤烏四年辛酉之歲有沙門康僧會是康居國大丞相之長子初達吳地營立茅茨設像行通吳人初見謂之妖異有司奏聞吳主問曰佛有何神驗也僧會答曰佛晦靈迹出餘千載遺有舍利應現无方吳主曰若得舍利當為起塔經三七日遂獲舍利五色曜天剖之逾堅燒之不然光明出火作大蓮華照曜宮殿吳主嘆異信心乃發因造建初寺度人出家吳主問尚書令都鄉侯關澤曰漢明帝已來凡有幾年關澤對曰從永平十年至今赤烏四年合一百七十五年吳主曰佛教入漢既久

破邪論卷二

第二十六卷

第五九冊

何緣始至江東闢澤對曰永平十四年五岳道士與摩騰捕力之時道士不如南岳道士諸善信費叔才等在會自憾而死門徒子弟歸葬南岳不預出家无人流布後遭漢政陵遲兵戈不息經今多載始得興行吳主又曰孔丘老子得與佛比對以不闢澤對曰目尋魯孔丘者英才誕秀聖德不群世号素王制作經典訓將周道教化來葉師儒之風澤潤今古亦有逸民如許成子原陽子莊子老子等百家子書皆修身自說放暢山谷縱大其志學歸淡泊事乘人倫長幼之節亦非安世治民之風至漢景帝以黃子老子義體尤深改子為經始立道學勅令朝野悉誦誦焉若將孔老二家遠方佛法遠則遠矣所以然者孔老設教法天制用不敢違天諸佛設教天法奉行不敢違佛以此言之實非比對明矣吳主大喜用澤為太子太傅魏明帝曾欲壞宮西浮屠外國沙門乃金盤盛水置於殿前以舍利投水乃有五色光起帝加歎異乃於道東作

周閭百閭以為精舍元魏太祖天興元年下詔曰夫佛法之興其來遠矣濟益之功冥及存沒神蹤遺軌信可依憑有勅於京邑建始容軌修整宮舍令信向之徒有所居止是歲始作五級佛岳塔閣崑山及須弥山殿加以飾續別構講堂禪室及沙門坐處莫不具焉檢史籍通儒並稱佛法盡善也盡美也邪見何緣自招逆罪魏世祖即位亦遵太祖太宗之業每引高德沙門與共談論於四月八日舉諸佛像行於廣衛帝親御門樓散花致敬沙門慧始甚有神異赫連昌破長安日慧始身被白刃而體不傷五十餘年未嘗寢卧跣行泥塗初不汙足色逾鮮白世号之白脚阿練若時主敬重大興佛法死十餘年儼然不變魏太武時崔皓為司徒尤不信佛每與帝言恒加非毀因蓋吳作亂閭中皓便進說因廢佛法道士天師殺讎之苦與皓諍皓不肯從謙之謂曰卿從今年受戮滅門矣於後太武通身發瘡痛苦難忍群臣議去崔皓邪侯毀

除佛像陛下所患必由此來暗後果伏誅儻加五刑豈非積惡受殃可愍之甚然元魏君臨凡一十七帝一百七十九年唯七八年中佛法淪廢自餘光顯不可具陳興光元年於五級大寺及太祖已下五帝鑄像五軀各長一丈六尺用金二十五万斤太和元年於方山太祖營壘之處建思遠寺正光元年歲次庚子七月明帝加朝服大赦天下二十三日請僧尼道士女官在前殿設齋齋訖帝遣侍中劉騰宣勅請法師等與道士論議以釋弟子疑網今時精通觀道士姜斌與融覺寺法師曇謨取對論帝問曰佛與老子同時以不姜斌對曰老子西入化胡佛時以充侍者明是同時法師問曰何以得知姜斌曰案老子開天經是以得知法師問曰老子當周何王幾年而生當周何王幾年西入姜斌曰當周定王即位三年乙卯之歲於楚國陳郡苦縣厲鄉曲仁里九月十四日夜子時生當周簡王即位四年丁丑之歲事周為守歲史當周簡

王即位十三年景戌之歲遷為大史
當周敬王即位元年庚辰之歲年八
十五見周德陵遲遂與散閭令尹喜
西入化胡此足明美法師報云佛當
周昭王二十四年四月八日生穆王五
十二年二月十五日滅度計入涅槃
經三百四十五年始到定王三年老
子方生生已年八十五至敬王元年
凡經四百二十五年始與尹喜西邁
此則年月懸殊所說不同无乃謬乎姜
斌曰若佛生當周昭王之時出何文記
法師對曰出周書異記并漢法本
內傳並有明文斌曰孔子既是制法
聖人當時於佛迥无文記法師對曰
仁者識同管闚覽不引遠索孔子有
三條上經謂天地人佛之文言出在
中脩仁者善自披究足得開曉姜斌
曰孔子聖人不言而知何假卜乎法
師對曰唯佛是衆聖之王四生上首
達一切衆生前後二際吉凶終始不
假卜觀自餘聖人雖曉未然之理必
藉著龜以通靈卦也明帝遣侍中尚
書令元又宣勅語道士云姜斌論无

破邪論卷上

第二條 疏

宗旨問域開天經何處得來是誰所
說即遣中書侍郎魏取尚書郎祖瑩等
就觀取經帝令官人議之太尉丹陽
王蕭綜太傅李寔衛尉卿許伯桃吏
部尚書邢嘏散騎常侍溫子昇等
一百七十人讀訖奏云老子止著
五千文更無餘說目等所讀姜斌罪
當惑衆帝時加斌極刑三藏法師菩
提流支苦諫乃止配徒馬邑自興光之
後京內及四方諸寺新舊有六千四
百七十八所僧尼七萬七千二百五十
八人以厲師曹為報德寺孝魏有天
下至於禪讓佛經流通大集中國凡
四百一十五部合一千九百一十九
卷略計僧尼二百万人寺有三万餘
所時世隆平人民豐樂僧尼甚衆曾
無逆人洎永嘉南遷迄于陳世三百
許年傳教東興未之戚也出好名德
利益倍多光贊時君同有凶黨
并去僧尼六十已下簡使作民則兵
強人衆 并去寺多僧衆損費為甚
但是寺舍請給孤老貧民无宅義士
三万户唯置一寺草堂土塔以安

破邪論卷上

第三條 疏

經像遣胡僧二人傳示胡法
并去西域胡者惡泥而生便事泥瓦
今猶毛臊人面而獸心土島道人驢
騾四色貪迷之惡種佛生西方非中
國之正俗蓋妖魅之邪氣也
并去庖犧已下二十九代父子君臣
立忠立孝守道履德生長神州得華
夏正氣人皆淳朴以世无佛故也
并去秦起秦仲三十五世六百三十
八年 并去帝王無佛則大治年長
有佛則虐政祚短自庖犧已下二十
九代而无佛法君明臣忠國祚長久
并去未有佛法已前人民淳和世无暴逆
并去佛來漢地有損无益 并去趙
建武時有道人張光反梁武時僧光
反况今僧尼二十万衆早須廢省一
答廢省僧尼事者 對曰夫形迹易
察而真偽難明自非久處未可知矣
昔遠法師答桓玄書云經教所述凡
有三科一者樸思八徵二者訓味遺典
三者興建福業然有興福之人不存
禁戒而迹非阿練者或有多誦經文諷
詠不絕而不能暢說義理者或有年

破邪論卷上

第三條 疏

已宿長雖無三科可紀而體性真正
不犯大非者以此較量取捨難辨案
出家功德經云度一人出家勝起寶
塔至于梵天何者人能引道自利利
他潔已立身住持三寶津梁七世資
益國家諸有罪者依法繩治无過者
為國行道 一答毀寺給民草堂安像
對曰法流漢地五百餘年寺舍曾厯
積世來有龕塔堂殿皆是先代興營
房宇門廊都由信心起造或為存沒
二親及往生七世求將來勝報種種
在福田咸出彼好心非佛僧課造書
云成功不毀故鄒子產不毀伯子之廟
夫子謂之仁人况佛為三世良田四
生父母唯可供養不可毀除佛雖去
世法付人王伏惟 陛下再造生民重
興佛道即是如來大檀越主請連漢
明永平之化近同文帝開皇之時
一答西域胡者人面獸心貪逆惡種
佛生西方城隍邪氣者 對曰案史
記歷帝王傳目錄及陶隱居年紀等
云庖犧氏純身人首大庭氏人身牛
頭女媧氏亦純身人頭秦仲衍鳥身

破邪論卷上

第三三張

記

人面夏禹出於東夷文王生於西羌
簡狄吞鵲卵而生契伯禹割母背背
而生伊尹託自空桑元氏魏主亦生
夷狄然並應天命出震乘時或南面
稱孤或君臨萬國雖可生處僻陋形貌
鄙麤而各御天威俱懷聖德老子亦託
牧母生自下凡可得以下出庸賤而无
聖者乎子曰君子居之何陋之有信
哉斯言也 僉曰有道則尊豈簡高下
故知聖應無方隨機而見尋釋迦祖
祢蓋千代輪王之孫刹利王之太子
期地斯赴物感則形出三千世界之
中央南閩浮提之大國垂教設方但
以利益衆生為本若言生在羌胡出
自戎虜便為惡者太昊文命皆非聖
人老子文王不足師敬案地理志西
域傳言西胡者但是慈嶺已東三十
六國不關天竺佛生之地若知而妄
說何罪之深若不知浪言死有餘責
一答庖犧已下二十九代父子君臣
立忠立孝守道履德稟華夏正氣者
對曰史記淮南衆書等云黃帝時蚩
尤銅頭鐵額作乱天下與黃帝戰于

破邪論卷上

第三三三張

破邪論卷上

第三三張

記

阪泉以登帝位蚩尤逆命復戰涿鹿
之野凡經五十二戰顯項時又誅三
苗於左洞庭右彭蠡汲塚竹書云舜
囚堯於平陽取之帝位今見有四堯
城堯又與有苗戰於丹水之浦堯上
射九日落其鳥羽楚詞云十日代出流
金礫石繳大風於青丘斬脩蛇於洞庭
戮封豕於大澤煞九腹於泗水尚書云
洪水滔天懷山襄陵黎民阻飢百姓昏
墊禹時百姓各以其心而相谷子退耕
於野三苗不脩德政禹親滅之夏桀之
君左河濟右太華伊闕在其南羊腸背
其北焚皇岳煞龍逢囚成湯繼末嬉脩
政不仁湯放滅之湯凡九征二十七
戰大旱七年河洛竭流銷金爛石高宗
伐鬼方三年殷紂辛迷惑姐已恣十
惡之害流五虐之刑剖賢人之心剗
孕婦之腹囚文王禁箕子周武王伐
紂於牧野血流漂杵誅之鹿臺王親
射紂躬懸頭大白之旗而夷齊非之不
食其粟孔子曰武盡美矣未盡善也
武王之世三監作乱成王之世三叔流
言宣王六月出征詩云薄伐獫狁至于

太原採薇遺戍伐去其有檢執之難
西有具夷之患採芑又去宣王南征
信士曰上來所道並是三皇已下三王
之時必能守道履德懷忠奉孝余時元
佛足可清平何為世世興師兵戈不
息至於妻派百姓殃及无辜乃為姚
石慕容永嘉之世豈名蕩蕩無為之
時邪見失言一何謬矣

破邪論卷上

丙午歲高麗國大藏都監奉

勅雕造

破邪論卷上

第三十六張 既

破邪論卷下

唐濟法寺沙門釋法琳撰

既

答秦仲已下三十五世六百餘年者
對曰史記云自殷已前諸侯不可得
而譜為多失第次年代難知故尚書
但以甲子為次第而無年月者良以
史闕不記也邪見乃云始於秦仲迄于
二世有六百餘年者一徃似長出何
的證按春秋已前秦本未有春秋已
來始有秦伯當春秋時秦雖漸霸但
是周之小邑孝王之世令非子放焉
於汧渭之間不承天命未有正邦曾
孫秦仲宣王之王始受車馬為侍御之
臣仲孫襄公以送平王東遷進爵為
伯文公已下始見史記自茲訖滅不
過二百餘年史記竹書及陶公年紀
等皆云秦無曆數周世臣故隱居列
之在諸侯之下何因得有年紀續至
胡亥史記但屬公列之一百一年終
乎二世縱有年代皆附春秋自無別
紀被王之末秦昭襄王因周微弱始
滅周國僭号稱王諸史相承秦唯五

世四十九年齊秘書楊珍史目云秦
自始封至滅凡三十五世六百餘年
者蓋取始封秦号繼六百餘年非霸
統中國經多年也邪見乃延秦短祚
冒上長年一何虛妄哉 答帝王无
佛年長有佛祚短自庖犧已下爰
至漢高二十九代君明目忠者對曰
何故庖犧獨治不及子孫堯舜二君
位居五帝堯則翼善傳聖舜則仁
威聖明如尚書二典論其化民治道
功業最高民無能名則天之明君也
堯又廢凡自立其子丹朱不肖舜則
父頑母嚚並止一身不能及嗣余時
无佛何不世世相傳遽早廢滅隱居
年紀云夏禹治九年昇纂十五年浞
篡十二年昇纂十一年夏癸五十二年
對曰書云舜禹之有天下魏魏乎其
有成功煥乎其有文章大禹謨云禹
能畀官非食食皂帳緝衣而盡力於
汴為民治水於民有功若皇天輔德
何為天祚不永止治九年勘年紀云
夏后相及少康之世其目有窮羿寒
浞及風夷淮夷黃夷斟尋等國並相次

破邪論卷下

第三張 既

作乱凡二十六年篡夏自立當時無

佛篡逆由誰

殺湯治^{十三}外丁治^三

仲王治^四太甲治^十太戊治^三

十分王治^三沃甲治^四盤庚治^九小辛治^七

武乙治^七祖庚治^七祖乙治^七

對曰湯仁不煞開三面之網放夏桀

於鳴條甚有仁德介時無佛何以天

曆不長外丁外壬其年轉促尚書云

湯行九伐太甲五征伊尹立湯次子

勝又立勝弟仲王又放太甲于桐宮

放逐書云尹自篡立後太甲潛出親

煞伊尹而用其子既稱忠朴之世介

時無佛何為疊起蕭牆君臣無道

周武王治^十懿王治^三厲王治^三頃

王治^六宣王治^六元王治^八烈王治^七

靜王治^六貞王治^八悼王治^一哀王治^三

思王治^五

對曰武王伐紂師渡孟津白魚入舟

應天嘉命諡法曰剋定禍乱曰武民

賴來蘇軾間封墓休牛放馬治致太

平汝言元佛年長何因柞短治十一

年懿王僖王更復絕嗣

一荅佛未

出前世无篡逆者

對曰何故周烈

王弟顯王篡位四十八年悼王立一

破邪論卷下 第三段 既

百一日為庶弟子朝所害敬王弟哀

王治三月弟思王外煞之思王治五月

小弟孝王既復煞之三王共治一年此

出楊珍史目陶公年紀

君四十九年

昭王五年

孝文王治

胡亥王治

年秦穆公始霸三十四年秦擁周政

竹書云自仲之前本无年世世紀陶

公並云秦是篡君不依德政次第不

在五運之限縱年長遠終非帝王以

短為長指虛為實有何意見秦時北

築脩胡偽煞扶蘇矯立二世陳勝蟻

聚作乱閼東

照甘泉宮南越不實乃習水戰

漢高祖在位

第四子

帝崩立兄子昌邑王即位二十七日

凡有一千一百二十七罪霍光廢之

後立宣帝此時無佛何為乃介

後漢凡十二帝一百九十五年

光武

孝明

章帝

安帝

順帝

桓帝

靈帝

凡二百八十歲

拓跋元魏十七君合一百七十九年

介時佛來何故年久

對曰後漢書

云光武撥乱及正明帝致治外平民

元百里之憂吏无出門之役麒麟入

囿神鳳栖相赤雀文龜蒼烏白鹿

嘉瑞倫臻兆民胥悅垂泐滑磅礴之

恩布通天漏泉之澤八方欽化万

國欽風論衡等書並云後漢微祥

不慙周夏決言有佛柞短何故年長

奔去西域故且未國兵三百二十人

小苑國兵二百人戍廬國兵三百人渠

勒國兵三百人依耐國兵三百五十

人郁立師國兵三百三十一人單相

國兵三十五人孤湖國兵四十五人

凡八國胡兵合有一千八百九十一

人皆得紹其王業據其土地自相征

伐屠戮人國况今大唐僧尼二十万

衆共結胡法足得人心寧可不格預

之哉

破邪論卷下 第五段 既

計去長安不過万里本非天竺佛生之地又無僧且在中謀反縱彼造惡何關此僧但奔狂鬼入心外興邪說虛引往事假謗今賢達者知其浪言愚人必生異見惑亂朝野深可痛哉

一答佛來漢地有損無益人家破家入國破國漢明之世佛法始來者 大唐聖朝正信君子論曰諸佛大人出俗高士遊涅槃之妙苑住般若之真空不可以言像求不可以情應揆形同法性壽等太虛但應物現身如水中月所以瞿師見三尺之貌羅漢觀丈六之容大滿虛空小入然毘隨緣應變化無常儀尋釋迦之摩基依漢東都郊祀晉魏等書及王儉史錄費長房三寶錄孝按普曜本行等經並云佛是周時第十五主莊王他九年癸巳之歲四月八日乘栴檀樓閣現白鳥形從兜率下降中天竺國迦毗羅城刹利王種淨飯大王第一夫人摩耶之胎至十年甲午歲四月八日夜鬼宿合時於嵐毗園波羅樹下從摩耶夫人右脇而生放大光明照三千世

破邪論卷下

第六張既

○破邪論

界瑞應經云佛星下現時太子生本行經又云星雲無雲自然而雨左傳云星隕如雨杜氏注解蓋時無雲然與佛經符合通偏以為佛生時也十九出家三十成道四十九年履世說法利益天人度脫群品至周庄王四年壬子二月十五日後夜於拘尸城入般涅槃自滅度已來至今大唐武德五年壬午之歲計得一千二百二十一歲滅後一百一十六年東天竺國有阿育王取佛舍利役使鬼兵散起八万四千寶塔遍閩浮提我此漢地九州之內並有寶塔建塔之時當此同敬王二十六年丁未歲也塔興同世經十二王至秦始皇三十四年焚燒典籍育王諸塔由此隱亡佛家經傳靡知所在如釋道安宋士行等經錄目云始皇之時有外國沙門釋利房等一十八賢者持佛經來化始皇始皇弗從遂囚禁房等夜有金剛丈六人來破獄出之始皇驚為怖稽首謝焉問曰雖有此說年紀莫知以何為證諸陳其大也答曰前漢成帝時都水使者光祿大夫劉向傳云向博

破邪論卷下

第七張既

觀史籍備覽經書每自稱曰余遍尋典策往往見有佛經及著列仙傳云吾搜檢藏書細尋太史創撰列仙圖自黃帝已下六代迄到于今得仙道者七百餘人向檢虛實定得一百四十六人又云其七十四人已見佛經矣推劉向言藏書者蓋始皇時人間藏書也或云夫子宅內所藏之書據此而論豈非秦漢已前早有佛法流行震旦也尋道安所載七十二賢者亦在七十之數今列仙傳見有七十二人案文殊師利般涅槃經云佛滅度後四百五十年文殊至雪山中為五百仙人宣說十二部經訖還收本土入于涅槃恒星之瑞即其時也檢地理志西域傳云雪山者即葱嶺也其下三十六國先來奉漢以恭嶺多雪故号雪山文殊往化仙人即其處也詳而驗之劉向所論可為驗矣雖遭秦世焚除漢興復出所以荆揚吳蜀扶風洛陽有寶塔處皆發神瑞具在衆書非徒臆說檢成帝鴻嘉三年歲在癸卯劉向撰列仙傳明矣故知周世佛法已來

破邪論卷下

第八張既

生盲人云有佛祚短良可悼矣依經律云釋迦正法千年像法千年末法五萬五千年已還四眾學者得三達智證四道果末法已去猶披袈裟勤周書異記云穆王聞西方有佛遂乘驂駒八駿之馬西行求佛因以穰之據此而推同齊時上統法師荅高麗使云佛是西周第五主昭王二十四年甲寅歲生至今武德五年得一千五百七十七年也信穆王之世法已東行劉向之言益為明矣又漢武鑿昆明池得黑灰問東方朔云非巨所知可問西域胡人後外國沙門竺法蘭來因以事問蘭云是劫燒之餘灰也方朔既博識通人生知俊異無問不酬無言不答豈密不達逆記胡人蓋是方朔久知佛法興行勝人必降故有斯對也佛既去世阿難摠持一言不失迦葉結集羅漢千人咸書皮紙並題木葉致令五百中國各共奉持十六大王同時起塔逮于漢世東漢二京所經帝王十有六代翻胡梵本為漢正言相承至今垂六百祀是以佛

破邪論卷下

第九卷 說

日再曜起自永平之初經像重興發于開皇之始魏人朱士行沙門衛道安等並為紀錄其華戎道俗含有一百八十二人所譯經律戒論大小乘三藏雜記等凡二千一百七十一部總有六千四百四十六卷莫不垂甘露於八魔之境派慧日於三有之中汲引將來永傳勝業教人捨惡行善佛法最先益國利民無能及者汝言破家破誰家破國破何國邪見堅子無角畜生夙結豺心久懷薑毒元然緣之善員山岳之辜長惡不悛老而弥篤乃以生盲之慮忖度聖尊何異尺鷃之笑大鵬并蛙不信滄海可謂闡提逆種地獄罪人傷而憫之故為論也尋夫七十二君三皇五帝孔丘李老漢地聖賢莫不葬骨三衣獲屍九壤未有如佛舍利現瑞放光火燒不然結挺不碎於今見在立試可明矣且據此一條足知佛法之神德也震旦諸聖孰與為儔乃欲毀而滅之事難容忍傷風敗俗虧損福田誰或生民黔汙朝廷實可嘆也

破邪論卷下

第十卷 說

沙門安世高 譯一百七十六部
沙門鳩摩羅什 譯九十八部
沙門衛道安 譯二十部
沙門嚴佛調 譯七部
沙門寶唱 譯一百三十三部
吳人支謙 譯一百二十二部
晉人聶道真 譯三十部
宋人謝靈運 譯三十六部
北涼安陽侯沮渠京聲 譯三十部
元魏期城郡守楊街之 譯一部
元魏李廓 譯一百七十部
魏人萬天懿 譯一部
齊竟陵文宣王蕭子良 譯十部
齊常侍庾詡 譯一部
梁人木道賢 譯一部
梁武帝 譯五十部
梁人素曇允 譯一部
梁簡文帝 譯二百卷
梁記室庾季敬 譯一部
隋人洋川郡守曇法智 譯一部
右古來翻經人
宋臨川康王義慶 撰宣驗記一部又撰幽明錄一部
太原王琰 撰一書
琅瑯王中書郎齊竟陵文宣王 撰三寶記
齊著作裴子野 撰淮南劉俊 撰一書
晉中書令郗景興 撰一書
中書令陸明霞 撰一書
太原王延秀 撰一書
吳興朱君台 撰一書

破邪論卷下

第十一卷 說

晉中書侍郎干寶

彭澤令陶元亮

神妙

道士陶隱居作發菩提心札佛文

道士陸修靜

沙門記

宋光祿顏延之

齊隱士周顒

一辭論

周儀同甄鸞

一辭論

隋成都費長房

一辭論

右古來博通君子識量王公尊敬三

寶撰沙門記傳者又對曰此等先賢

並皆翻譯佛經為目錄記傳悉學窮

稽古精詣內外信通俗之白眉為群

英之稱首咸遵敬三寶研味一乘并

世辭榮欽承勝軌邪見朋黨一口不

論一人不說太廟苦剋誹毀酷毒微

言自保瑩輝欲張致翼何殊朝菌

之危晦朔聽聒之暗春秋信其管窺

輕忽大道足令洗耳安可信乎請付

朝官博通君子檢內外典籍明邪見

人課妄之罪若言佛法來漢無益世者

對曰索孔子周靈王時生敬丑時卒

計其在世七十餘年既是聖人必能

達兩時主何以十四年中行七十國至

宋伐樹相衛削迹陳蔡絕糧避桓魋之

熱慙喪狗之呼雖應射諸侯莫之能

破邪論卷下 第三張 既

用當春秋之世文武道隆君暗臣奸

札崩樂壞余時無佛何目逆亂滋甚

慕弒由生孔子乃婉婉順時逡巡避患

難保妻子終壽百年亦无取矣或發

鮑水之言或興遊川之嘆然復遜辭於

季氏傷風鳥不至河不出國及西狩

獲麟遂反袂拭面稱吾道窮雖門

徒三千刪詩定札亦疾沒世而名不稱

吾何以見於後世矣遠盜跖之辱被

大人之譏按此而論足可知也若以元

利於世孔老二聖其亦病諸何為訥

其木石而不陳彈也 一荅寺多僧

眾叛徒必作如後趙沙門張光後燕

沙門法長南涼道密魏孝文時法秀

太和時惠仰等並皆反乱者

對曰檢崔鴻十六國春秋並元此色人

出何史籍荀生誣枉詎惑君王請勘

國史知其妄奏案前後漢書即有昆

陽常山青沮綠林黑山白馬黃巾亦

眉等數十群賊並是俗人不閑釋子

如何不論後漢書云沛人道士張魯

母有安邑燕挾鬼道往來劉焉之家焉

後為益州刺史任曾為督義司馬曾

共別部司馬張修將兵掩然漢中太

破邪論卷下 第三張 既

守蘇固斷絕斜谷然漢使者曾既得

漢中又然張修而并其眾于時假託

神言黃衣當王曾因與張角等相應

合集部眾並戴黃巾披道士之服數

十萬人賊害天下自據漢中垂三十

載後為曹公所破黃衣始滅亦時无

一沙門獨饒道士何嘿不論然漢魏

名僧德行者眾益國甚多何以不說

但能揚惡專論人短豈是君子乎

魏志曰張魯字公旗祖父陵客蜀學

道在鵠鳴山中造作道書以惑百姓

從受道者出米五斗世号米賊陵死

子衡傳業衡死魯復傳之陵為天師

衡為嗣師魯為係師自号三師也素

與劉焉善焉死子璋立以魯不順然

魯母及室家魯遂據漢中以鬼道化

民符書章禁為本其來學者物名

鬼卒受道用金帛之物号為祭酒各

領部眾眾多者名治頭有病者令首

過大都與張角相以後漢皇甫高傳

云鉅鹿張角自稱大賢即師奉事黃是

行張陵之術用符水呪說以治病遣

弟子八人使於四方以行教化轉相

誨或十餘年間眾數十萬自青徐幽

破邪論卷下 第三張 既

冀荆楊充豫八州之民莫不必應遂
置三十六方方猶將軍号也大方万
餘人小方六千人詭言蒼天死黃天
當立歲在甲子天下大吉以白土書
京邑寺門皆作甲子字中平元年三
月五日内外俱起皆著道士黃巾黃
褐或煞人祠天子時賊徒數十万衆
初起潁川作乱天下並為皇甫嵩討
滅南鄭反漢而蜀亡事在孫恩習仙
而敗晉事在道育醮祭因而禍宋
于吉行禁殆以危吳事在吳公旗學仙
而誅家事在陳瑞習道而滅族
魏華叛夫事在張陵弃婦
登背父衛叔去兄事在右上古來道士
為逆乱者 對曰自陵三世專行鬼
道符書章醮出自道家禁祓妖孽
妄談吉凶奸由茲起然吳魏已下晉
宋已來道俗為妖數亦不少何以獨
引衆僧不論儒道二教至如大業末
年王世充李密竇建德劉武周梁師都
盧明月李軌朱粲唐弼薛舉等亦是俗
人曾無釋氏何為不道事偏理曲黨惡
嫉賢為巨不忠明矣 亦云自開闢

破邪論卷下 第十五說 既

已來至今武德四年辛巳積三百七
十六万一千一百八歲者對曰汝云庖
犧氏凡三十世治二万二百九十七
年少昊至漢高有三千二百一十
庖犧至漢高二十九代計之不過二
万三千四百九十八年何因爰初
開闢述之武德四年頻有二百七十
六万餘歲耶對帝系譜云天地初起
狀如鷄子盤古在其中經九万年次三
皇及燧人氏治二万二百九十七年
紫微秘書楊份史目云伏犧元年甲
寅至開皇元年辛丑有六万一千六
百八年總而言之二十七万一千九
百五年按此而論太懸殊矣請勘年
紀定其脩短也檢正史所載伏羲氏
始畫八卦陳甲子造書契乃有世年
庖犧已前本無紀曆進退何依
亦云請胡佛邪教退還西域凡是僧
星悉令皈依者 對曰莊周云六合之
內聖人論而不議六合之外聖人存
而不論老子云域中有四大而道居
其一孝詩書禮樂之致但欲攸序昇
倫明忠烈孝慈之充意在敬事君父

繼得至德唯是安上治民假令要道
不出移風變俗自衛反曾誰述解脫
之言六府九疇未宣究竟之旨及養
生濟物之談龍昌鳳紀之說亦可憐
仁抱信違屬鄉之志刪經焚象肆開
里之文次曰九派未去七略案前漢藝
文志所紀衆書一万三千二百六十
九卷莫不切在近益但未暢遠途皆
自腐於一生之內非迥拔於三世之
表者矣遂使當現因果理涉且而猶
昏業報吉凶義經丘而未曉故知道
遙一部猶迷有有之情道德二篇未
入空空之境斯乃六合之窠塊五常
之俗慕詭免四派浩汗為煩惱之場
六趣誼譚造塵勞之業也原夫實相
杳冥逾要道之道法身凝絕出玄之
又玄唯我大師體斯妙覺二邊頻遣
万德俱融不喧不寂安能以境智求
非爽非昧胡可以形名取為小則小
而無內廣大則大也無垠故能量法
界而興悲愍虛空而立誓願以現生
穢土誕聖王宮示金色之身吐毫
之相布慈雲於就萬嶺則火宅災銷

破邪論卷下 第十七說 既

慧風於鷄峯則幽塗霧卷行則金蓮
捧足坐則寶蓋承軀出則帝釋居前
入則梵王從後左輔密迹以滅惡為切
右弼金剛以長善為務聲聞菩薩儼
若侍臣八部萬靈森然翊衛演涅槃
則地現六動說波若則天雨四花百
福莊嚴狀滿月之臨蒼海千光照曜
猶聚日之暎寶山師子一吼則外道
摧鋒法鼓動鳴則天魔稽首是故号
佛為法王也豈得與襄周迦葉比德
爭衡末世儒童輒相連類者也是以
天上天下獨稱調御之尊三千大千咸
仰慈悲之澤然而理趣深遠假筌蹄而
後悟教門善巧憑師友而方通統其教
也八萬四千之藏稽其道也二諦十地
之基祇園鹿苑之設海殿龍宮之旨
玉牒金書之字七處八會之言莫不
垂至道於百王扇玄風於萬古如
語實語不可思議也近則安國利民遠
則超凡證聖故能形遍六道教滿
十方實為世界福田蓋是蒼生所屬
於時敬信之侶猶七曜之環北辰受
化之徒如百川之投巨海茅其神慶

破邪論卷下

第一論

勿棄利益天人故無得而名也既滿
恒沙之因故得常樂之果善矣哉不
可測也但以時運未融遂令胡漢殊
感所以西方先音形之奉東國暫見
聞之益及慈雲卷潤慧日收光迺夢
金人於永平之年觀舍利於赤鳥之
歲於是漢魏齊梁之政像教勃興燕
秦晉宋已來名僧間出或盡歲月於
清臺之側或表相輪於離門之外逮河
北翻詞漢南著錄道興三輔信洽九州
跨江左而弥殷歷金行而轉威渭水
脩迢迢之苑廬岳總般若之臺深文奧
旨發越來儀碩學高僧輝聯遠至暨梁
武之世三教連衡隋文之初三乘並駕
雖居然極情契汾陽昇酒正而撒饗人
薰戒香而味法喜恐四派難拔躬以
七辯能持乃輕袈裟而柳添衣捨雕
輦而敷草座於時廣創惠臺之業大
啓表塔之基系記云東晉王有相繼八十
餘年數區大寺七百餘所所
巨講集常與萬人討論內外共
造聖業孜孜無倦多矣世榮也遂令五都
豪族歆冠冕而投誠四海名家奔掌
華而入道自皇王所居之士聲教所
覃之域莫不頂禮迴向五體取休利

破邪論卷下

第一論

物之深其來久矣孔老垂化安能與
京按十六國三十國春秋高僧名僧
牟子等記傳始後漢明帝永平十年
已來佛法東流政經十代年將六百
其名僧大德世所尊敬者凡二百五
十七人傍出附見者及燕趙王公齊
梁卿相等凡二百五十一人合五百
八人陳其行業大開十例一曰譯經
二曰義解三曰神異四曰習禪五曰
明律六曰遺身七曰誦經八曰興福
九曰經師十曰唱導此等高僧皆德
効四依初脩三業法傳震旦實所賴
焉邪見隱而不論但說五三惡者夫
雪山之內本多甘露亦有毒草大海
之中既足明珠亦饒羅刹喻崑山獸
於片石比鄧林損於一技耳何可為
怛而使廢之

破邪論卷下

第二論

譯經沙門第一義解沙門第二九十九人

神異沙門第三習禪沙門第四三十一人

明律沙門第五遺身沙門第六三十一人

誦經沙門第七興福沙門第八四十四人

經師沙門第九唱導沙門第十八十一人

此等沙門或踰越沙險或汎漢洪波皆

能委命而經亡形殉道或以神力救世或以異迹發人或慧解開襟或通感適化安禪湛慮則功德如林禁行清高則冰霜弘潔樹興福善則冥衛可祈諷誦法言則幽顯沾慶於是三歲四舍切用遂廣方等般若取信尤多但神化所談無遠必屆慈河猶跬步之間聲光有見聞之限豈非時也及緣運將感像教遐通或号為西域大神或稱為淨土之主所以摩騰挾策而來儀法蘭懷道而降德什師碩學鈞深神監奧遠及遊中土備悉方言受學者三千入室者八俊生融景敬嚴觀恒聲皆領悟言前詞芬蘭桂執筆承旨任得其人晉有道安擅名當世資學岳澄傳業惠遠門人曰感世不乏賢足使陳郡謝安推其神隼襄陽習郁屈我弥天自晉惠崇塵懷敏遷播羯胡縱毒殺蕩中州劉曜篡逆於前石勒僭兇於後華夏分崩人民塗炭聖師佛岳澄慈傷然之方始痛刑害之未央遂設神化於葛陂示懸記於襄鄴藉秘呪以濟將盡擬

破邪論卷下

第三十二張

香氣而拔臨危占鈴映掌坐定吉凶終令二石發心四民免害澄傳云澄十五年所歷郡縣與立佛寺八百九十三所年一百七十七歲石火國姓虎宮無道若下與澄同口稱不可言乎及白足臨危亡存存亡命者不可傳紀及白足臨刃不傷遺法為之更始志上分身圖戶帝王以之加信具諸史籍其可詳乎莫不功被將來傳燈永劫議者僉曰僧者紹隆聖種俾則冥衛國家福蔭皇基必無退廢之理也應我大唐之有天下也當四七之辰安九五之運扶危濟世之德越湯武而獨高夷兇撥亂之功逾漢魏而孤顯蕩蕩乎魏魏乎難以揄揚者矣加以留情佛法降意玄門造像書經度僧立寺種種功德虔虔植鄒利益華戎汲引黎獻方欲興上皇之風開正覺之道幾茲五帝跨彼三王治致太平永隆淳化上來邪見所述穢言蓋是天地之所不容人倫之所同弃恐塵黷聖覽不足可觀伏惟陛下布舍印之恩垂鞠育之惠乞審其逆順議以真虛涅照經云佛滅度後法付國王陛下君臨正當付囑伏願杜其邪說使像教興

破邪論卷下

第三十三張

行博雅君子正見道人聞之乃共扼腕抵掌盱衡而作論云余孟子有言曰余豈好辯哉予不得已也夫虛妄顯於真實鉞亂於偽世人不悟是非不定朱紫雜廁瓦玉參糅以情言之豈余心所能忍也孔子又曰詩人疾之不能默丘疾之不能伏是以論也夫玉亂於石人不能別是及為非虛轉為實妄能不言乎孝王者之降靈也或派星貫月或長虹繞電或赤雀銜書或素靈夜哭帶雲龍之氣舍奇異之象皆有天命非由人也或問曰何以周過其曆春不及期答曰夫冥理難知人情易惑按其指駁略詳之矣何者昔宋景修德守心便退丁蘭薦孝木母舒顏但使專精嘉祥可致必能禦己灾禍自亡信哉斯言也觀夫文武成康之世治道隆平蓋積善所資福鍾來業所以過曆也始皇在位焚書坑儒酷毒天下逮于二世誅戮更甚生民寒心手足無措上天降禍故不及期也易曰不善之家必有余殃也此之謂矣故知興滅之理非閱力能

破邪論卷下

第三十三張

咸稟先因頗由行業信為明證也近如周武錯見毀寺廢僧旋踵之間後嗣磨滅竊見隋文皇帝初生即有神后撫養後為寶禪師觀見當為霸王及其即位晉興佛法大度僧居四部說說三學濟濟安心行道以報國恩登即漸息干戈日就豐樂嘉祥靈應史不絕書四海无波六合同慶後封禪岱嶽世致太平以至煬帝昇降寺塔派僧居繕造奢華万事過度天臨海外親自征行禍及无辜殃鍾身世目前可驗何待將來 論曰論衡太俗儒好長古而短今言瑞則淫前而薄後不非古之虛美而責今之實論信久遠之偽詞忽近今之實事不知指馬之要而覓儒墨之談膏肓之病固難治矣大矣哉釋氏之為教也包羅三世囊括四派方万象之列太空辟八河之般滄海至于傳尋子史覽覽經語六宗七屬之典五岳四望之儀丹笥金版之文名山石室之記玉檢芝泥之冊雲臺麟閣之書清分濁判已來鳥跡虫跡之後赫骨栗陸

破邪論卷下

第三十四卷

之曠天皇人帝之前斗杓之所指揚輪焉之所臨照地輿迥闊天角遼長補葺折柱之靈刊山刻海之異立切立德之道一陰一陽之言未黍藥石之所基衣裳宮室之所聲參玄紀黃之典制札作樂之訓勛捐華讓之則湯征武伐之威金騰零雨之翁泣麟傷鳳之叟莫不事極寰中而理窮域內者也豈知上界繁二死之患下方抱三塗之憂苦海漂淪受河綿遠是以大悲出世導彼生盲開八正之關闢五乘之路宣忍服戒珠之旨啓優波木叉之規遂使體施飛禽馳投野獸列國都城方之脫屣嬌娥勝輪奔似遺塵正欲去此四地息茲八苦永斷生老病死無復怨會愛離一罷受形長辟毒器况千花寶殿近号天宮六合珍樓遠稱淨國八行玉樹四柱金樓百味香飡三鉢軟眼奔奔輕舉無煩列子之風雍雍笑歌詎因蕭史之吹故知綠舉瓊輪暉暉於紫府玄霜絳雪惠彩於玉京矣

夫釋迦者譯云能仁言德充道備堪

破邪論卷下

第三十五卷

濟万物也然法身三義一日真實三謂權應真身謂至極之體妙絕拘累不得以方處期不可以形量限有威斯應體常湛然應身者積劫行因億生求果和光六道同塵万類生滅隨時脩短為物形由感生體非實有權形雖謝法體不遷但時無妙威故莫得常見也 世說云曾人尚不貴東家立邪見豈信有西方佛根深難拔悲夫惑者問曰豈其然耶請喻斯旨論者對曰子不聞乎夫瞽者无以與乎文章之觀聵者無以與乎鍾鼓之聲蓋知十惡波浪易動心源万善枝條難抽意樹良以凡夫顛倒渴愛所燒妄想攀緣身心放逸激五欲浪漂二死河常在黑闇崖下无明波底長夜睡眠屢於夢宅莫醒迴天之醉誰知迷亂之色昏昏永劫後後偷生乃復隨逐邪師親近惡友咆哮狂為放恣心猿起六十二之見山沆九十八之使海航涵行廁戀著盡瓶扇八魔風吹三毒火縱六入賊盜五陰城不憂二鬼之危恒興四蛇之怒信其牛羊之眼登

破邪論卷下

第三十六卷

其烏鏡之咒於是立我惕懼聲自大鼓翻覆毀譽之口誇企儒墨之談反表為裏賴蒙為衣敗俗傷真間朋乱友陵辱三寶欺侮二親輕忽冥祇呵罵風雨與鬼神為讎隙與骨肉為怨憎自矜自高不仁不孝恃其管見愚謂指南何異卿蛆之甘臭蟬鷓鴣之嗜腐鼠以毒為美深可畏哉靡慮將來之韋不怨地獄之報嗟乎肆一言之禍招万劫之殃致使沉滯幽塗淪歷惡道入銅狗銅蛇之網居八寒八熱之城鋸解磨磨爐燒錢煮食火敢雪吞冰處處焦然心心苦楚百戰九竅擦亂刀鋒五截四肢紛披劍鏹所以然者皆由撥無因果謗出世間破和合僧不信正法邪見根深之所致也况復捨身受身常嬰三界從獄至獄不離三塗大聖觀已興悲至仁為之流憫故知善惡之理如響應聲報施之徵似形帶影可不慎歟可不慎歟

詔云并父母之讎殺去君目之服章利在何門之中益在何情之外損益二宜請動妙釋 答法琳

破邪論卷下 第三十七 既

聞至道絕言豈九派能辯法身無象非十翼所詮但以四趣茫茫漂淪欲海三界盡盡顛墜邪山諸子迷以自焚凡夫溺而不出大聖為之興世至仁所以降靈遂開解脫之門示以安隱之路於是剎利王種鮮思愛而出家天竺貴族獸榮華而入道是以慈達太子去袈裟之衣就福田之服誓出二種生死志求一妙涅槃弘道以報四恩育德以資三有此其利益也案佛本行經剃髮出家品偈云假使思受久共處時至命盡會別難見是無常須臾間是故我今求解脫於後慕其德者斷惡以立身欽其風者潔已而脩善毀形以成其志故弃黷駸美容變俗以會其道故去君臣華服雖形闕奉親而內懷其孝礼乎事主而心敬其恩澤被怨親以成大順福霑幽顯豈拘小達上智之人依佛語故為益下凡之類違聖教故為損懲惡則誦者自新進善則通人感化伏惟陛下至德會弘仁心鞠育爰復降情正法留意出家廣布慈雲重興佛日

破邪論卷下 第三十八 既

利益之道難得而稱此即大唐帝業慈被百靈聖種鴻基惠流千祀不敢輒以愚意輕測天心謹課庸詞略申管見塵黷御覽伏深戰越謹對

破邪論卷下

丙午歲高麗國大藏都監奉勅雕造

破邪論卷下 第三十九 既